

ՊԱՅՄԱՆԱԳԻՐ
Մեդիա-մոնիտորինգային ծառայությունների վճարովի մատուցման մասին
թիվ N 100122-մ1

ք. Երևան

10 հունվարի, 2022 թ.

«Հայաստանի Հանրային Հեռուստաընկերություն» ՓԲԸ-ն (այսուհետ՝ Պատվիրատու), ի դեմս գործադիր տնօրեն Հ. Մովսիսյանի, մի կողմից, և «Մեդիամաքս Մեդիա Քոնսլտանթս» ՍՊԸ-ն (այսուհետ՝ Կատարող), ի դեմս տնօրեն Ա. Թադևոսյանի, մյուս կողմից, կնքեցին սույն պայմանագիրը (այսուհետ՝ Պայմանագիր) հետևյալի մասին.

1. Պայմանագրի առարկան

1.1. Պատվիրատուն հանձնարարում, իսկ Կատարողը իրականացնում է Հայաստանի Հանրապետության էլեկտրոնային լրատվամիջոցների ամենօրյա ուսումնասիրություն, մոնիթորինգ, անհրաժեշտ տվյալների ամփոփում և ներկայացում Պատվիրատուին (այսուհետ՝ Ծառայություններ):

1.2. Պատվիրատուն Համակարգի միջոցով ստացված տեղեկությունը օգտագործում է սեփական կարիքների համար և իրավունք չունի այն վերավաճառել (փոխանակել) ուրիշ ձեռնարկությունների, կազմակերպությունների, այլ ֆիզիկական և իրավաբանական անձանց, տեղադրել հնտերնետում:

2. Կողմերի իրավունքներն և պարտավորությունները

2.1. Կատարողը պարտավոր է՝

2.1.1. Ծառայությունները մատուցել պատշաճ որակով և սահմանված ժամկետներում՝ Պայմանագրի պահանջներին համապատասխան:

2.1.2. Ծառայությունները մատուցել անձամբ:

2.1.3. Պատվիրատուի պահանջով 1 (մեկ) աշխատանքային օրվա ընթացքում անհատույց վերացնել հայտնաբերված բոլոր թերությունները:

2.2. Կատարողը իրավունք ունի՝

2.2.1. Ծառայությունների մատուցման համար պահանջել Պայմանագրով նախատեսված կարգով և չափով վարձատրություն:

2.2.2. Պատվիրատուից պահանջել ժամանակին տրամադրել Ծառայությունների պատշաճ մատուցման նպատակով տվյալ Ծառայությանն առնչվող և պահանջվող փաստաթղթերը և տեղեկությունները:

2.2.3. Ծառայությունների մատուցման ընթացքում կամ դրանք մատուցելուց հետո Պատվիրատուին տրամադրել մատուցված ծառայությունների հաշիվ-սպրանքագիրը:

2.3. Պատվիրատուն պարտավոր է՝

2.3.1. Պայմանագրով սահմանված կարգով և ժամկետում վճարել Կատարողին մատուցված Ծառայությունների դիմաց:

2.4. Պատվիրատուն իրավունք ունի՝

2.4.1. Ցանկացած ժամանակ ստուգել Կատարողի կողմից Ծառայությունների մատուցման ընթացքը և պահանջել Ծառայությունների մատուցման ընթացքի մասին հաշվետվություն՝ առանց միջամտելու նրա գործունեությանը:

2.4.2. Պահանջել Ծառայությունների մատուցման ընթացքում Կատարողի կողմից թույլ տրված թերությունների վերացում՝ ողջամիտ ժամկետներում:

2.4.3. Պայմանագրի շրջանակներում առաջարկություններ անել՝ կապված Ծառայությունների մատուցման հետ:

3. Ծառայությունների դիմաց վճարման և փոխհաշվարկների իրականացման կարգը և ժամկետները

3.1. Ծառայությունների մատուցման համար ամսական վճարման ենթակա գումարը կազմում է 80.000 (ութսուն հազար) ՀՀ դրամ, ներառյալ ԱԱՀ:

3.2. Վճարումն իրականացվում է համապատասխան հարկային հաշիվ ներկայացնելուց հետո՝ 20 (քսան) բանկային օրվա ընթացքում:

3.3. Պայմանագրով վճարումները համարվում են կատարված Կատարողի հաշվարկային հաշվին փոխանցման պահից:

4. Կողմերի պատասխանատվությունը

4.1. Պայմանագրի չկատարման կամ ոչ պատշաճ կատարման, ինչպես նաև պատճառված վնասների համար Կողմերը պատասխանատվություն են կրում սույն Պայմանագրով և ՀՀ օրենսդրությամբ սահմանված կարգով:

4.2. Կատարողը Պայմանագրում նշված Ծառայությունները անպատշաճ մատուցելու դեպքում վճարում է տույժ՝ պայմանագրի գնի 0.1%-ի չափով՝ կետանցի յուրաքանչյուր օրվա համար, սակայն ոչ ավել, քան Պայմանագրի գնի 10%-ը:

Վճարման կատարումը ուշացնելու դեպքում Պատվիրատուն Կատարողին վճարում է տույժ՝ պայմանագրի գնի 0.1%-ի չափով՝ կետանցի յուրաքանչյուր օրվա համար, սակայն ոչ ավել, քան Պայմանագրի գնի 10%-ը:

4.3. Պայմանագրով նախատեսված տույժի վճարումը Կողմին չի ազատում իր պարտավորությունները կատարելու և խախտումները վերացնելու պարտավորությունից:

4.4. Կատարողը իրավունք ունի հրաժարվել Պայմանագիրը կատարելուց՝ Պատվիրատուի վնասները լրիվ հատուցելու պայմանով:

4.5. Պատվիրատուն իրավունք ունի միակողմանիորեն լուծել Պայմանագիրը՝ այդ մասին 10 (տաս) օր առաջ գրավոր ծանուցելով Կատարողին՝ Կատարողի կատարած ծախսերը վճարելու պայմանով:

5. Անհաղթահարելի ուժի ազդեցությունը (ՖՈՐՍ ՄԱԺՈՐ)

5.1. Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար Կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության արդյունք, որը ծագել է սույն պայմանագիրը կնքելուց հետո, և որը Կողմերը չէին կարող նախատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 30 (երեսուն) օրից ավելի, ապա Կողմերից յուրաքանչյուրն իրավունք ունի լուծել Պայմանագիրը՝ այդ մասին նախապես տեղյակ պահելով մյուս կողմին: Կողմերը միմյանց են վերադարձնում մինչև անհաղթահարելի ուժի վրա հասնելը Պայմանագրով ստացվածն ամբողջությամբ:

6. Կարգավորող օրենսդրությունը և վեճերի լուծման կարգը

6.1. Պայմանագրով չկարգավորված հարցերը կարգավորվում են ՀՀ օրենսդրությամբ սահմանված կարգով:

6.2. Պայմանագրի կապակցությամբ և դրանից ծագած բոլոր վեճերը լուծվում են բանակցությունների միջոցով՝ 15 (տասնհինգ) աշխատանքային օրվա ընթացքում: Սահմանված ժամկետում համաձայնության չգալու դեպքում, յուրաքանչյուր Կողմ իրավունք ունի վեճի լուծումը հանձնել ՀՀ տարածքում իրավասու դատարանի ընդունմանը:

7. Պայմանագրի գործողության ժամկետը

7.1. Սույն Պայմանագիրն ուժի մեջ է մտնում ստորագրման պահից: Պայմանագրի պայմանները տարածվում են կողմերի միջև 2022թ. հունվարի 1-ից առաջացած հարաբերությունների նկատմամբ և գործում են մինչև 2022թ. դեկտեմբերի 31-ը:

7.2. Պայմանագրի գործողության ժամկետը կհամարվի երկարացված անորոշ, եթե կողմերը պայմանագիրը գործողության ժամկետը լրանալուց հետո կկնքեն այդ մասին լրացուցիչ համաձայնագիր՝ պայմանագրի գործողության ժամկետը երկարաձգելու մասին:

8. Եզրափակիչ դրույթներ

8.1. Այն Կողմը, որն ի վիճակի չէ կատարել Պայմանագրով ստանձնած պարտավորությունները, պարտավոր է նախապես՝ 10 (տասը) օր առաջ այդ մասին գրավոր ձևով տեղեկացնել մյուս Կողմին:

8.1. Պայմանագրի ցանկացած փոփոխություն և լրացում վավեր է այն պայմանով, եթե այն ձևակերպված է գրավոր և ստորագրված երկուստեք:

8.2 Կողմերը չեն կարող հատկացնել կամ փոխանցել երրորդ կողմի Պայմանագրից բխող իրավունքները, պարտականությունները, առանց մյուս կողմի գրավոր համաձայնության:

8.3. Սույն Պայմանագիրը կազմված է 2 (երկու) օրինակից, որոնք ունեն հավասար իրավաբանական ուժ. յուրաքանչյուր կողմին տրվում է մեկ օրինակ:

9. Կողմերի ստորագրությունները և վավերապայմանները

Պատվիրատու

«Հայաստանի Հանրային
Հեռուստաընկերություն» ՓԲԸ
Երևան, Նորք, Գ. Հովսեփյան փող., 26 շենք
հեռ. 650015

«Արդշինբանկ» ՓԲԸ
Հ/Հ 2470102796740000
ՀՎՀՀ 01540062

Գործադիր տնօրեն՝

Հ. Մովսիսյան



Կատարող

«Մեդիամաքս մեդիա քոմփանի» ՍՊԸ

ք. Երևան, Արմավյան 8, 2-րդ հարկ
հեռ. 54-45-31, ֆաքս. 54-54-37

«Յունիքբանկ» ՓԲԸ
Հ/Հ 24149000046000
ՀՎՀՀ 00144609

Տնօրեն

Ա. Թադևոսյան

